

明·文

秉撰

定陵
註
略

(下)

偉文圖書出版社有限公司 印行

行政院新聞局核准登記證 局版臺業字第零伍叁號

定陵註略 (下)

精裝二冊定價：新台幣 六〇〇・〇〇元
美金 一六〇・〇〇元

出版者：偉文圖書出版有限公司

撰者：文秉

發行所：偉文圖書出版有限公司

信箱：臺北第六八一—九八一號

電話：五七一四七八五
五八一六九九三

郵撥：第一〇四〇四三號

印刷所：東興美術印刷廠有限公司

臺北市東園街一〇〇巷一四六號

中華民國六十五年九月

(本書係中央圖書館所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

定陵註畧卷之五

忤奄諸臣

天地不能有陽而無陰不能有君子而無小人奄宦則小人之尤者耳唐葉京揖監軍於宦遂終身沉痾宋朝士有呼李憲字者王安石即斥之當時士論之嚴如此迨至今日不可言亦不忍言矣昔賢謂君子處小人之道莫脩於易之夬有以君子陽交小人而潛離其黨者交之若濡是也有以君子顯斥小人而不避其害者彖之揚庭是也故從前之道為權為巽郭防陽之待魚朝恩也從後之道為直為正韓魏公之遂任守忠也二者操術不同其為君子一也夫君子豈不樂渾厚包容以成無競之風哉頽勢不可耳語又有之寧為玉碎無為瓦全忤奄諸臣嗚呼賢者忤奄斥矣次者唯諾惟謹誰為撫恤此民有挺而走險固其宜也故繼之以軍民激愛

萬曆二十二年七月罷湖廣鍾祥縣知縣李來命

承天守賄太監孫政進鮮茶計用夫五百七十八名一時應付不及遂將書吏重責二十又驛仰知縣押扛李來命申文查旧時該監委官除正扛撥夫外多派夫四百名每名勸貼銀三錢里甲分文皆民膏血宜從旧額政怒劾之故罷

十一月降調湖廣布政使武尚耕等

吏部接示

聖諭前者有 旨湖廣例進魚鮓肉醬子鮓改作鱸魚鮓如何還是紹旧該布政司官武尚耕等着降三級調極邊方用

二十四年十一月逮昌平參將梁心

開礦千戶鄭一麟疏地方官負欺君良

肯事有 苗梁心阻撓礦事遠皆君 旨好生可惡着錦衣衛拿解

來京究問

二十五年九月逮山東福山知縣常國賢

山東礦監陳增疏叅國賢阻撓礦務巡撫萬象春遮蔽屬官有旨國賢逮問象春罰俸一年國賢後革職為民

二十六年九月逮山東知縣吳宗堯

宗堯揭奏礦監陳增遂疏劾宗堯故逮

宗堯南直歙縣人選益都知縣時璫陳增橫甚誣奏福山知縣下詔獄餘皆震恐往長跪如屬吏白堯叱曰鬚眉男子乃為奄屈膝耶不往見而之登州謁海防道衛王使人諭增此非他令比也增陽諾堯還王使兩承奉來翼堯輿而入增無可如何下堂迎之成賓主之禮而退然恥為堯所抗啣之堯過金陵驛丞金子登擁騶從如上官堯訶之盛供張其復却不納孟丘山有鉛礦

子登說增此可鬻金幸以見委月得金若干為壽增檄委之免數
詰責子登遂行譏搆增又逮諸富民誣以贖盜三日內繫至五百
餘人免墳其疏其狀於司道兩臺增反誣劾免遂被逮下撫鎮司
打問送刑部益民洵欲爭殺增懼移駐徐州陽出疏請貸免
罪禮部即鮑應鑒六人謂四明日南康守星子令微恩得正襟牖
下益都何獨不然四密揭入即日釋歸方免之未逮也父母送其
婦來至淮聞遠止不進免遣吏瞿士樸奉書令歸而增迹得之士
書壁陳中令旁舍持去增考樸無所有乃免免赦後拉家尋人咸
惜之

附
陳增嘗遣叅隨某至吳江執四人送府謂其曾劫皇損郡守置之
獄吳江知縣劉時俊請於守欲得四人者審鞫守即與之劉嚴鞫
四人則皆土尤串合叅隨為奸利者也因并叅隨訊之簡其身得

一小摺內開富民五十三家叅隨適去而四人皆伏法微劉令則合縣受扳盜之禍可勝言哉舉一事而他事可知舉一縣而他縣可知矣

十一月降調九江府經歷樊國充

湖口稅監李道䟽勅國充阻撓商稅有

旨降雜職調用

十二月革大理寺鄉吳定太常寺少卿傅好禮職為民

傅好禮䟽論近郭之內假官抽稅辱國虐民有

旨降三級調用已而吳定䟽救有

旨吳定傅好禮俱降邊方雜職用已而科道官䟽救有

旨俱着革了職為民

逮天津土民張子和等

稅監馬堂疏論子和等三十三人曲蔽徵租故逮

二十七年二月逮南康知府吳寶修星子知縣吳一元降調臨安知府顧起淹

湖口稅監李道疏奸險府官朋謀抗

旨阻撓漏脫國課拒捕戕傷多命等事有

旨吳寶秀吳一元逮問顧起淹降一級調用 吳寶秀抵任兩月既被逮其妻陳氏悲憤不寐自縊于檻車之旁

吏部尚書李戴等公疏陳增開礦山東而知縣常國賢吳宗堯逮李道抽稅湖口而知府吳寶秀等又逮各省如增與道者尚多而欲府縣皆唯之從命一有異同輒露章劾之陷以不測書之國史萬世而下謂 陛下為何如主哉

三月降調給事中包見捷外任用

包見捷疏乞罷礦稅撤中宮以弭亂奉事奉

旨朕恭閱

祖訓錄已知國初各省直皆有欽差內官鎮守監

倉等項與該省直文武將吏協同行事俸訪官負得失軍民利病其間徵收稅課進獻土產以濟國用相沿已久嘉靖年間暫撤僅止但今典禮相維工作浩煩費用不敷若不權宜措辦安忍加派小民朕敬天法祖四海一家稍候充足自有處分且礦旨已悉非王官等招兵立營陰蓄異謀之比你們職司言責不諳事務竟設徇私要名賣直好生狂肆包見捷這畜本當拏問重治姑從輕降

一級調任用

八月逮荊州府推官華鈺并黃州府經歷車任重降調知府李商耕等

湖廣礦監陳奉疏按臣陽誣陰害抗旨撓稅等事叅華鈺車任

重及襄陽知府李商耕黃州知府趙文煒荆門知州高則翼有

旨華鈺車任重逮問李商耕等各降一級調外用

時陳奉行部至荊州夷陵鄉官王篆醵金往迎之知州陸技不可
乃止奉牙必在州為奸利者陸率州人執而投之河陸嘗熟人以
孝廉起家篆舊少宰坐江陵黨敗者也

給事中項應祥疏內臣叅劾信若著蔡按臣屢疏置若罔聞臣恐
鴟張太甚則民心益駭狼貪太毒則民怨益深三相七澤之間豪
奸乘霧興賦為應西南半壁之天下岌岌危哉爾時即磔奉鸞奉
亦何益矣頃者都門盛傳觀政進士胡道行一疏汙蟻不道令人
髮指及細查之觀政進士原無其人不知妖語泛何而起是必市
井無賴所為不是深究然人心愁怨反側不安亦槩可見矣

九月下西安府同知宋賢等該撫按提究

陝西稅監梁永疏叅宋賢并生員許顯忠等奉

旨奏內織造衙門攬頭王印交通官局同知宋賢侵冒官銀私織裁衣并科歛各行赤金及倡亂生負許顯忠等不法事情便着該撫按提學等官公同梁永嚴提追究明白奏請定奪立限與他

十一月草給事中程紹山西夏縣知縣韓薰職為民

山西稅監孫朝疏叅韓薰有

旨調邊方雜職用程紹疏言中官不宜輕信外政不宜輕假有

旨降一級調外任已而給事中李應策等公疏乞賜矜察垂宥以存

職守事奉

旨程紹韓薰俱從輕處了李應策等又來煩擾激聒好生可惡為首的姑且罰俸六個月程紹韓薰都着革了職為民

連河南府知事張有倫

河南開礦指揮陳永受疏奸貪有司串通奏官盜賣礦砂等事奉
旨奏內張有倫串通鍾應交盜賣官砂銀兩不當數萬搬運回籍好
生玩法着錦衣衛拏解來京究問

二十八年二月江西礦監潘相疏奏留饒州府已陞通判沈榜仍舊
專管燒造陶器兼本鎮捕務

四月逮秦甸知府蔡如川趙州知州甘學書等

雲南礦稅楊榮疏異嘗暴虐克狠群奸等事奉

旨奏內蔡如川甘學書橫行酷暴抗違開採并書手陳其蘊及有名
生負人等都着錦衣衛拏解來京究問

逮廣東鄉官原任通判吳應鴻舉人勞養魁等

廣東稅監李鳳疏叛民作亂鄉官主謀等事奉

旨奏內土豪李云易私抽耕牛稅銀又同主謀鄉官吳應鴻舉人勞

養姓鍾鼓潮梁斗輝等結党千餘樹旗作亂平毀工解劫搶錢糧
好生玩法李芸易吳應鴻勞春魁鍾鼓潮梁斗輝都着錦衣衛挈
解來京究問

戶部尚書陳璘疏近接西廣總督戴耀直隸巡按牛應元各揭內
奏中書陳守訓捏 旨拘刷大戶騙害汪文耀等家私約值數萬
陳保等恃差虐民斃傷梁肇基等五十餘命臣等見之不勝駭愕
竊惟詐傳

聖旨激變良民罪犯大辟律條具載若槩置不聞則大奸巨惡縱橫
宇內人人自危矣初

皇上患內廷墮之一二群小窺探上意言利如狂

皇上遣中使中使黷群奸分投搜刮十一以進納十九以營私

皇上不問也馳驛包哮引類吁明

皇上不問也拆人房屋寃人坟墓

皇上不問也律無假旨不誅殺人不償程守訓陳保等公然蹈之且
拘刷大戶奉何明旨騙詐贓私動以萬計不知作何支銷也縣
治乃

朝廷建豎百姓寃朝廷赤子陳保等結黨逞兇非刑拷訊堂上誼譁
如市門外伏尸好麻生者晝哭死者夜號屯聚豎旗寃保激之也
竊謂程守訓陳保等非寸寸磔之不足以快衆憤而洩衆寃也

建涇陽驛丞

工廠掌司監官蔡可仁疏積霸官役羈慢公務事奉

旨進貢錢糧重務經過驛遞如何延捱逼逼好生違慢這奏內涇陽
固節二驛二丞便着錦衣衛拿解來京究問

五月下山西巡撫魏允貞部院叅省

山西稅監孫朝疏梟獍惡臣大蠹國計首倡阻撓抗違 欽命等
事奉

旨奏內魏貞允猖狂抗命煨燼木植攘剋貪濫事情便着該部院叅
者來說

吏部尚書李戴等疏者得山西巡撫魏允貞稟性太剛任事太執
待人太甚其自操持甚苦與之處者或不能堪然自撫晉以來事
事節省公費廩給盡充修邊賑荒之用布衣蔬食不携妻子晉中
士民皆謂巡撫但謂山西水耳臣等細考允貞平日之事叅以孫
朝疏中之言允貞獨行孤立多執少與即閣部大臣時有爭論其
不能屈意奉內臣可知孫朝之疏至欲食肉寢皮在

皇上前尚如此罵詈在彼中盛意加撫臣可知撫臣既叅內臣內臣
亦叅撫臣此乃二臣兩相抗而兩相軒非敢抗 明旨也其焚燒

木植一節或係奸人放火或係鄰人延燒事在彼中難以懸斷若謂其貪濫攘剋贓至三十餘萬則臣等以百口保之允貞原籍南樂去京不遠

皇上密加忖訪其房屋田地多寡虛實當自了然若指廉潔為貪婪指節省為攘剋使天下廉吏聞之無不灰心貪官聞之有以籍口非所以昭平明之理也且撫臣之疏不報而內臣之疏亟行甚於國体政兩為有損蓋

朝廷之重惟有紀綱紀綱不自行則必付之撫按今以巡撫重臣與中使相爭而罷則何以彈壓冲邊激揚大吏合一省而奉一內臣又合群奸而哄一內臣奸弊叢生誰敢致詰財之入於內者凡何而出于民間者無美矣不報

山西巡撫魏允貞罷